

Religiosis votis annuere et ea operis exhibitione complere officium nos invitat suscepti regiminis et ordo videtur exigere rationis. Ea propter, dilecti in Domino filii, vestris iustis postulationibus¹ clementer annuimus et praefatam ecclesiam, in qua divino mancipati estis obsequio, sub beati Petri et nostra protectione suscipimus et praesentis scripti privilegio communimus. In primis siquidem statuentes, ut ordo monasticus, qui secundum Deum et beati Benedicti regulam in ipsa ecclesia institutus esse dinoscitur, perpetuis ibidem temporibus inviolabiliter observetur, praeterea quascunque possessiones, quaecunque bona eadem ecclesia in praesentiarum iuste et canonice possidet aut in futurum concessione pontificum, largitione regum vel principum, oblatione fidelium seu aliis iustis modis, procurante Domino, poterit adipisci, firma vobis vestrisque successoribus et illibata permaneant, in quibus haec propriis duximus exprimenda vocabulis: stationes videlicet, quae Latinae sunt contiguae, furnum, palacium iuxta portam sancti Stephani a plaga australi, quasdam domos post illud palacium, domos supra murum urbis iuxta idem palacium usque ad secundam turrem murorum et ex altera parte ecclesiam sancti Stephani iuxta viam, quae ab Hierusalem duxit Neapolim, hospitale iuxta eandem viam, hortum inter eandem ecclesiam et Hyerusalem, alios hortos et vineas, quas habetis in territorio Hyerusalem cum decimis earum, casale Belfair² cum vineis suis, terris et decimis earum, dimidium casale sancti Euthimii³ iuxta Bethlehem cum terris suis et cum decimis earum, casale unum in territorio Blongegarde⁴, quod privilegio comitis Amarri⁵ vobis est confirmatum, in Lyda sex carrucatas terrae, domos, hortos, ecclesiam latinam in Ioppen cum domibus et uno horto et cum tribus carrucatis terrae et cum decimis earum, turrem Latinae in territorio Caesareae cum pertinentiis suis, in eodem territorio casale, quod fuit Eustachii, cum pertinentiis suis, terram in Cocto⁶, terras quoque et possessiones, quas privilegiis dominorum Caesareae confirmatas legitime possidetis, centum bizantios Neapoli singulis annis, unam ecclesiam in Berito⁷ cum hortis suis, terra et decimis earum, unam ecclesiam in Gibileto et hortum, ecclesiam latinam in Monte peregrino cum horto uno, terris, vineis et decimis earum, campum unum Tripoli et materam⁸ unam, ecclesiam latinam parochialem in Laudicea⁹, ecclesiam sancti Nicolai cum possessionibus earum, dimidiam partem theatrii¹⁰ et horti, qui in eo est,

1) Hs.: 'postulantibus'. 2) A: 'vel facircum cum vineis'. 3) Hs.: 'Euchymii'. 4) A: 'Blancogarde'. 5) A: 'Armarici' d. i. Amalrici, des Grafen von Jaffa (später König A. I. v. Jerus.). 6) A: 'Cacto' d. i. Caco, heute Kakun. 7) Hs.: 'Bento'. 8) A: 'maceram' d. i. wohl 'massaria', Oelpresse. 9) A: 'et'. 10) A: 'teatri'.